



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XII. [Diluitur argumentum Sextum.]

[urn:nbn:de:hbz:466:1-53845](https://nbn-resolving.de/urn:nbn:de:hbz:466:1-53845)

sarium, ut præexisteret quæ communicanda erat. Intelligenda autem sunt hæc omnia, quæ sonant prioritatem secundum modum nostrum intelligendi. nam quod ad rem attinet, nulla est prioritas, sed Pater semper actu genuit, gignit Filium.

C A P V T XII.

Diluitur argumentum Sextum.

S E C U N D U M argumentum. Aut persona in Deo est finita, aut infinita: si infinita, ergo una tantum; si finita, ergo infinitæ personæ deberent esse, ut respondeant infinitati essentiæ.
 Præterea, multiplicatio suppositorum vel & necessaria ad conseruationem speciei, vel ut unum suppositum perficitur ex altero. at Deus, cum sit æternus, non eget conseruatione; nec perfectione, cum sit perfectissimus.
 Denique, vel persona, ut persona, dicit perfectionem, & non. Si dicit perfectionem, ergo una perfectio est in una persona, quæ non est in alia; & cum illa non sit accidentia substantialis perfectio in una, & non in alia. Si vero persona humana, quam diuina; nam humanæ certum est dicere perfectionem. R E S P O N D E O , personam diuinam utalem, infinitam, & proinde dicere summam perfectionem. Ad argumentum autem respondeo, non posse inde colligere, una tantum est persona, sed hoc solum, ergo una est ratio omnium personarum; est enim una & eadē infinitio in omnibus personis, sed non eodem modo, inquit, enim illa perfectio est paternitas, in Filio filiatione, &c.

Ad S E C U N D U M dico, multiplicari supposita in diversis non ad conseruationem speciei, nec ad perficiendum ratione ex alio, sed quia id postulat natura rei intelligentis, quæ habet modos producendi aliquid intra seipsum, videlicet cognitionem, & amorem. Quæ etiam est ratio cui faciat personæ tantum, & non plures, nec pauciores, una enim debet producens, non producta; alia producta per cognitionem; alia producta per amorem.

Ad TERTIUM dico, eandem perfectionem dicere omnes personas, sed alio modo.

Quare fortasse, an ille modus, id est, an illa relatio dicat perfectionem. RESPONDEO, relationem in genere sumptam non dicere perfectionem, cum abstrahat ab ente reali, & rationis; tamen relationem realem, perfectionem dicere, & relationem diuinam, infinitam perfectionem, non tamen aliam perfectionem dicere hanc diuinam relationem, aliam illam, sed omnes eandem, quae est diuina essentia.

CAPUT XIII.

SEPTIMVM argumentum. Intellectus diuinus & voluntas idem sunt, & similiter intellectio & volitio, ergo etiam verbum & amor, id est, Filius & Spiritus sanctus. ab uno enim non procedit nisi unum.

Præterea intelligens in Deo, & intellectio idem sunt, & similiter amans & amor, ergo Pater & Filius non distinguuntur inter se, nec à Spiritu sancto.

Denique aut Filius intelligit, aut non. si intelligit, ergo producit notitiam seu verbum. si non intelligit, ergo verbum nō est Deus, nec enim Deus esse potest, qui nihil intelligit. IDEM de Spiritu sancto dici potest. Nam si amat, producit amorem, ergo aut se, aut alium. si non amat, non est Deus. nec enim Deus actu voluntatis carere potest.

Respondeo ad PRIMAM rationem, minorem distinctionem requiri in principiis, quam in terminis, ut planum est ex eo quod unus Deus tot genera rerum creavit; animus noster tot conceptus parit; unus truncus tot ramos producit. ex quo fit, ut satis sit distinctio rationis inter intellectum & voluntatem, ad hoc ut habeant terminos res distinctos.

Ad SECUNDAM dico, inde solū probari, Patrem, Filium, & Spiritum sanctum esse unū in essentia. Nam in Deo, intelligens, seu potius dicens, & verbum, idem sunt, excepta relatione producentis & producti: & amans & amor idem sunt, excepta relatione producentis amorem, & amoris producti.